

欽定石渠寶笈三編

欽定石渠寶笈三編

圓明園九洲清晏藏

皇上御筆

雜詠詩八首

一冊  
戊午

吟窗四事

一卷  
戊午

書唐白居易宋戴昺戴復古三詩

一冊  
辛酉

河決數

一卷  
辛酉

書杜甫陪鄭廣文遊何將軍山林詩

一冊  
癸亥

書杜甫北征詩

一冊癸亥

書杜甫詩

一冊癸亥

書堯典舜典

一冊丁卯

書召誥

一冊丁卯

命八旗設廄養馬書事

一冊

以下未題年月

詠竹詩

一冊

本朝臣工書畫

成親王書

御製義利辨 一軸

綿億太平春色圖 一軸

綿億歲朝圖 一軸

劉權之畫九夏安和 一冊

劉權之畫八風調豫 一冊

董誥畫

御製詩意 六冊

董誥畫開韶集勝 一冊

戴衢亨歲朝衍萬圖

一冊

戴衢亨畫壽字咸熙

一冊

戴衢亨畫夏槐八景

一冊

戴衢亨畫夏荷八景

一冊

阮元書

黃鉞書

御製味餘書室隨筆

六冊

御製同樂園茶宴詩

一冊

黃鉞畫春景 四冊

黃鉞畫春景

四冊

御筆襍詠詩八首一冊

本幅紙本推蓬裝四幅皆縱三寸七分橫六寸一分

御筆楷書

射圃四事有序

國家以神武開基統壹寰宇

家法相承毋忘克誥是以弧矢之利習慣自然遵循

前英歌扈

宸輿清暑山莊以俟行獮乘暇爰集近御侍衛每日

分班較射用以觀德習勞交輶則權其強弱納  
房則辨其楨良準遠近於樹侯驗智巧於棲鵠  
四者殆不可闕一也 弓冬幹春膠合取材手  
柔弓燥矢飛催懸弧義自初生始觀德原從射  
藝推 矢赤羽青莖器必純豈論仁者獨凶人  
左支右屈雖長技欲中去聲反求諸己身 侯四  
侯古制相沿久虎豹熊麋各繪形說見命中去

三連

頒賞賚詰戎施惠

示儀型鵠為人君者為

君鵠習武攸闢

家法垂廿發中能連十九敬承

心德勉勤思

暢遠樓晚眺上塞樂時晴登樓景倍

清山開新霽淨林襯夕暉明目極川原敵心希

禾黍盈

聖懷雖畧慰

念切蜀邪平 戒得堂敬紀園東多隙地依治開書

堂三戒魯論者兩篇

御記詳觀心存宥密處事漫更張

聖學所包廣

念徵大有棟 小金山

聖祖六巡

皇父法甲辰兄弟共隨

鑾金山永鎮江心靜塞苑如從畫裏看層閣巍峩天


籟迴長波浩渺水雲寬漫論浮王多奇跡福地  
肖形得大觀清暉亭。

奎翰昭垂奕葉舉頭

聖日如依

仁祖肇基三字大清萬古光輝嘉慶戊午季夏中  
濟繼德堂御筆鈴寶二嘉慶御筆幾暇怡神  
鑒藏寶璽寶笈三編石渠寶笈所藏嘉慶御筆傳

心基命



御筆吟窗四事一卷

本幅紙本縱五寸九分橫二尺四寸三分

御筆楷書

吟窗四事有序  
幾餘靜憩別無嗜好憶昔書  
房典學時清課聯吟多積篇什自蒙

授璽孜孜承

訓惟以籌幾省歲策勵身心遑暇溺志詞章致於政  
務稍有留滯顧晨昏

省定夏清冬溫紀事對時陶情言志幾暇時復斐然

有作計每成一詩必經四事聊為詠之選題

詩有承志持三訓而必因題以發大則典禮朝

章切而著農首感晴遠名物品彙因境失音或莊或雅側艷香

聞詩夙承

訓立言務光明選題從師命髫歲日課程今則自拈

詠心聲隨境呈無須詠月露有暇較雨晴側艷

屏體製正大淑性情檢韻元音自協或部居

必嚴以就今律或通轉相叶以存古音具範圍曲成而不遺之義焉韻統著同

文四聲分平仄

聖製全韻詩遵循為法則今體律必嚴古體可轉側

立均合元音出度叶準式五六蘊中和相生神

妙得

書片

珠稿初成即付縉清稿今謂之片于以草稿或有推敲未盡清稿尤

易檢

拈毫每再思得句書片紙斟酌共儒臣言

志祛浮靡小道有可觀審擇須盡美樞機易慎  
諸放之應千里風雅倣商周六朝戒奇詭上

本片子覆勘無訛則詳定已翠乃登之片紙既黃綾本書片猶萬殊上本其一貫乎片紙既

審定散置虞紛紜書之黃綾冊排日知情勤每  
歲二百頁上下雙帙分寸衷敬效法

覺世杼大文

聖製己六集景仰懷尊聞

皇父御製詩凡五集  
共四萬一千八百首丙辰

授政以後所得詩仍按年上本將來依次

編

排自六集至於萬集

天地之大文與升

恒而長壽子臣循習言晰夕自勉易敢稍懈云


聖

嘉慶戊午季夏

下漸避暑山莊繼德堂御筆鈴寶三嘉慶御筆

幾暇怡神繼德堂

鑒藏寶璽寶笈三編。石渠寶笈所藏嘉慶御筆所  
寶惟賢。



御書唐白居易宋戴昺戴復古三詩一冊

本幅仿金粟牋本摺裝四幅皆縱二寸八分  
橫五寸五分

御筆楷書並識

何以消煩暑。端居一院中。眼前無長物。窗下  
有清風。熱散由心淨。涼生為室空。此時身自  
得。難更與人同。炎蒸欣傍晚。掃地坐寬涼。  
入竹風逾冷。生荷水亦香。蟻行緣食几。螢照

落書床聽得農人語。今年稻穗長。行坐自  
徜徉。吟聲繞屋梁。曉烟失柳色。晨露發荷香。  
以我一心靜。參他六月涼。淵明知此意。高卧  
到羲皇。

辛酉仲夏下澣。長春書屋御筆。鈴寶二嘉慶。

鑒藏寶璽。寶笈三編。石渠寶笈所藏。

御筆河決歎 一卷

本幅紙本縱一尺二寸橫三尺五寸三分

御筆楷書

河決歎

天

考付鴻基兢業勉圖治渺躬才德疎愆尤日叢積干戈未全消國家又有事季夏月之初霖雨晝夜清波瀾漲百川放溜如奔驥西北匯大河桑乾

隄潰四白浪掀石欄蕩漾洪濤恣連日大雨漲因命侍衛  
大臣等分投馳勘報稱西路永定河隄開口  
四段衝決蘆溝橋石欄下流村莊多被其害  
哉我默黎昏墊溝壑墜愧予咎日深惟此非常  
異


示警衷敬承敢怨蛟龍崇分命八京卿以實查災被  
撫卹盡苦心奚能得飽飼一人罪益滋何辜衆  
姓累連朝失神魂食少難成寐泣思乾隆年屢  
豐多上瑞

龍馭杳莫攀仰空揮涕淚難身願當餘黎祈妥置  
字字皆血誠言言非虛偽告我衆臣工展猷集  
謀議竭力挽災屯靜俟

昊恩賜嘉慶辛酉季夏月上諭御筆鈐寶二嘉慶御  
筆之寶惟精惟一

引首

御書應實心聲鈐寶一嘉慶御筆  
鑒藏寶璽寶笈三編石渠寶笈所藏



御書杜甫陪鄭廣文遊何將軍山林詩一冊

本幅金粟牋本推蓬裝六幅皆縱七寸四分  
橫六寸九分

御筆楷書並識

不識南塘路。今知第五橋。  
名園依綠水。野竹上青霄。  
谷口舊相得。濠梁同見招。  
平生為幽興。未惜馬蹄遙。  
百頃風潭上千章。夏木清  
卑枝低結子。接葉暗巢鶯。  
鮮鯉銀絲鱠。香芹

碧澗羹翻疑施樓底晚飯越中行 萬里戎  
王子何年別月支異花開絕域滋蔓匝清池  
漢使徒空到神農竟不知露翻蒹雨打開拆  
漸離披 旁舍連高竹疎籬帶晚花礪渴深  
沒馬藤蔓曲藏蛇詞賦工無益山林跡未賒  
盡拈書籍賣來問爾東家 剩水滄江破殘  
山碣石開綠垂風折笋紅綻雨肥梅銀甲彈  
箏用金魚換酒來興移無酒埽隨意生莓苔

風磴吹陰雪。雲門吼瀑泉。酒醒思卧簾衣。  
冷欲裝綿野老來。看客河魚不取錢。祇疑淳朴處。  
自有一山川。棘樹寒雲色。茵陳春藕香。  
脆添生菜美。陰益食单涼。野鶴清晨出。山精白日藏。  
石林蟠水府。百里獨蒼蒼。憶過楊柳渚。  
走馬定昆池。醉把青荷葉。狂遺白接羅。  
刺船思郢客。解水乞吳兒。坐對泰山晚。江湖興頗隨。  
床上書連屋。階前樹拂雲。將軍

不好武稚子總能文。醒酒微風入聽詩。靜夜  
分綿衣挂蘿薜。涼月白紛紛。幽意忽不愜。  
歸期無奈何。出門流水住。回首白雲多。自笑  
燈前舞。誰憐醉後歌。祇應與朋好。風雨亦來  
過。

唐杜甫陪鄭廣文遊何將軍山林十首癸亥孟

夏上澣御筆鈴寶一嘉慶御筆

鑒藏寶璽寶笈三編石渠寶笈所藏

御書杜甫北征詩

一冊

本幅紙本摺裝八幅皆縱七寸三分橫一尺

四分

御筆楷書並識

皇帝二載秋閏八月初吉杜子將北征蒼茫  
問家室維時遭艱虞朝野少暇日顧慙恩私  
被詔許歸蓬草拜辭詣闕下休惕久未出雖  
乏諫諍姿恐君有遺失君誠中興主經緯固

密勿東胡反未已臣甫憤所切揮涕戀行在  
道途猶恍忽乾坤含瘡痍憂虞何時畢靡靡  
踰阡陌人煙眇蕭瑟所遇多被傷呻吟更流  
血迴首鳳翔縣旌旗晚明滅前登寒山重屢  
得飲馬窟邠入地底涇水中蕩潏猛虎立  
我前蒼崖吼時裂菊垂今秋花石戴古車轍  
青雲動高興幽事亦可悅山果多瑣細羅生  
雜棣栗或紅如丹砂或黑如點漆雨露之所

濡甘苦齊結實纍思桃源內益歎身世拙坡  
陀望廊峙巖谷互出沒我行已水濱我僕猶  
木末鷗鳥鳴黃桑野嵐拱亂穴夜深經戰場  
寒月照白骨潼關百萬師往者散何卒遂令  
半秦民殘害為異物况我墮胡塵及歸盡華  
髮經年至茆屋妻子衣百結慟哭松聲迴悲  
泉共幽咽平生所嬌兒顏色白勝雪見耶背  
面啼垢膩脚不襪牀前兩小女補綻纔過膝


海圖拆波濤舊繡移曲折天吳及紫鳳顛倒  
在袒褐老夫情懷惡嘔泄卧數日那無囊中  
帛救汝寒凜慄粉黛亦解苞衾裯稍羅列瘦  
妻面復光癡女頭自櫛學母無不為曉粧隨  
手抹移時施朱鉛狼籍畫眉闊生還對童稚  
似欲忘飢渴問事競挽鬚誰能即嗔喝翻思  
在賊愁甘受雜亂聒新歸且慰意生理焉得  
說至尊尚蒙塵幾日休練卒仰看天色改旁

覺秋氣豁陰風西北來慘澹隨迴鶻其王願  
助順其俗善馳突送兵五千人驅馬一萬匹  
此輩少為貴四方服勇決所用皆鷹騰破敵  
過箭疾聖心頗虛佇時議氣欲奪伊洛指掌  
收西京不足拔官軍請深入蓄銳何俱發此  
舉開青徐旋瞻畧恒碣昊天積霜露正氣有  
肅殺禍轉亡胡歲勢成擒胡月胡命其能久  
皇綱未宜絕憶昨狼狽初事與古先別姦臣

竟菹醢同惡隨蕩析不聞夏殷衰中自誅褒  
姐周漢獲再興宣光果明哲桓桓陳將軍仗  
鐵奮忠烈微爾人盡非于今國猶活淒涼大  
同殿寂寞白獸闕都人望翠華佳氣向金闕  
園陵固有神埽灑數不缺煌煌太宗業樹立  
甚宏達

唐杜甫北征詩嘉慶癸亥季夏上澣御筆鈐寶  
二嘉慶御筆蘋與道兼

鑒藏寶璵至寶笈三編。石渠寶笈所藏。



御書杜甫詩一冊

本幅紙本摺裝四幅皆縱一尺一寸三分橫  
一尺四寸六分

御筆楷書並識

東郡趨庭日。南樓縱目初。浮雲連海岱。平野  
入青徐。孤嶂秦碑在。荒城魯殿餘。從來多古  
意。臨眺獨躊躇。登兗州城樓 風林纖月落。衣露  
淨琴張。暗水流花徑。春星帶草堂。檢書燒燭。

短看劍引杯長詩罷聞吳詠扁舟意不忘夜宴

左氏  
莊

花隱掖垣暮啾啾棲鳥過星臨萬戶

動月傍九霄多不寢聽金鑰因風想玉珂明

朝有封事數問夜如何

春宿  
左省

晝刻傳呼淺

春旗簇仗齊退朝花底散歸院柳邊迷樓雪

融城濕宮雲去殿低避人焚諫草騎馬欲難

栖

晚出  
左掖

杖錫何來此秋風已颯然雨荒深

院落霜倒半池蓮放逐寧違性虛空不離禪

相逢成夜宿，隴月向人圓。

宿贊公房

野寺殘僧

少。山園細路高，麝香眠石竹。  
鸚鵡啄金桃，亂石通人過。  
懸崖置屋牢，上方重閣晚。  
百里見秋毫，山。當時任顯晦。  
秋至最分明，縱被微雲掩。  
終能永夜清，舍星動雙闕。  
伴月落邊城，牛女年年渡。  
何曾風浪生，天河。光細弦欲上，  
影斜輪未安。  
微升古塞外，已隱暮雲端。  
河漢不改色，關山空自寒。  
庭前有白露，暗滿菊花。

團初月  
亦知戍不返秋至拭清砧已近苦寒  
月况經長別心寧辭持衣倦一寄塞垣深用  
盡閨中力君聽空外音衣持翠柏苦猶食晨  
霞朝可餐世人共鹵莽吾道屬艱難不爨井  
晨凍無衣牀夜寒囊空恐羞澁留得一錢看  
空橐清秋望不極迢遞起曾陰遠水兼天淨  
孤城隱霧深葉稀風更落山迴日初沉獨鶴  
歸何晚昏鴉已滿林野錦里烟塵外江村

八九家圓荷浮小葉細麥落輕花卜宅從茲老為農去國賒遠慚勾漏令不得問丹砂

為農

相近竹參差相過人不知幽花欹滿樹小

水細通池歸客村非遠殘籜席更移看君多


道氣從此數追隨

過南鄰朱山人水亭

唐杜甫五言律詩癸亥季夏中潯御筆鈐寶二

嘉慶御筆之寶惟精惟一

鑒藏寶璽寶笈三編石渠寶笈所藏



御書堯典舜典一冊

本幅紙本摺裝八幅皆縱四寸四分橫八寸  
九分

御筆楷書堯典舜典

經文  
不錄

丁卯孟夏月下澣御筆鈐寶二會心不遠德充

符

戴衢亨恭跋

臣聞五帝之書皆曰典孔子刪書斷自唐虞

而二典遂為萬古文章之祖自漢以來訓詁  
家斤斤於文字異同簡冊分合引伸至累萬  
言而未已要之治法之大原道揆之合一惟  
聖人能知之亦惟聖人能行之也哉

皇上覃思稽古

萬幾餘暇

手書二典成帙臣敬觀再四竊以人君必有取法  
堯舜之思然後能紹天闡繹上及泰清下及

泰寧中及萬靈在臣下為責難歸美之誠。在聖主即為躬行實踐之本。非特鋪張鴻庥。揚厲偉績。如後世所稱堯堯舜舜。冠德卓蹤已也。綜計二典全文。僅止千餘言。然經緯天地。治人事神之大。萬世舉莫能外。由

心畫以仰窺

心法。而內聖外王。修齊治平之道。悉基諸此矣。

臣

戴衛亨拜手稽首恭跋敬書。鈐印二。臣衛亨。

敬書

鑒藏寶璽寶箋三編。石渠寶箋所藏。嘉慶御筆之  
寶執兩用中。

御書名誥 一冊

本幅紙本摺裝十幅皆縱三寸四分橫六寸  
八分

御筆楷書名誥

經文  
不錄

丁卯孟夏月下澣御筆 鈴寶二會心不遠德充

符

趙秉沖恭跋

伏蒙

宣示御書召誥一冊

臣敬觀莊誦竊惟周家以文

武開受命之基而成康集太平之盛觀其卜  
宅於洛君與書以達命於王者於得卜經營  
用牲郊告之後首陳天命即曰曷其奈何弗  
敬天既眷命敬德正誠于民即曰用顧畏于  
民若監於夏殷上下勤恤往復交儆於敬勤  
尤致意焉所以祈天永命而致太平者有由

然矣我

皇上敬以作所勤以用德措正施行致區宇於治平

覃思稽古

典學多聞於經傳載籍靡不尋究晰其理而探其奧會其極而致於用乃

萬幾之餘不自暇逸如典謨無逸諸篇

命筆書錄不下數十帙今復

書此本仰見

聖人誠求治理以經訓為蓄禽而  
保命疑命之契於敬勤者深

錫極建極之得於敬勤者大也臣欽仰欣幸謹以  
平日敬聆

聖教者微言簡末臣趙東沖拜手稽首恭跋敬書  
鈐印二臣趙東沖敬事

鑒藏寶璽寶笈三編石渠寶笈所藏嘉慶御筆之

寶夙聞詩禮凜心傳

御筆命八旗設廄養馬書事

一冊

本幅紙本摺裝八幅皆縱八寸橫六寸六分  
御筆楷書

命八旗設廄養馬書事  
弊深難除法壞必變  
若任其深而不除聽其壞而不變則主庸臣閑  
由此類推國事不可問矣我大清肇基東土以  
馬上得之定鼎燕京八旗勁旅士飽馬騰勤習  
騎射所向無前然則馬政可不講乎舊制分旗

設廢命官經理月給馬乾冬棚夏牧立法原為  
盡善有何弊竇總緣日久懈弛大員不加省察  
聽其虛冒有名無實相率緘默諉為不知欲辦  
理恐興大獄兼之迴護已咎遂因弊滋弊名為  
更張實則消弭市私恩而壞公事倡為分養之  
議矣自此流弊益多馬政日壞徒資奸販財利  
耳若再因循隱忍更不可問矣夫設廢原難保  
永久無弊是在管旗務大臣以國事為家事視

官廄如私廄必能杜諸弊收實效為政以實屏  
絕私念所謂有治人無治法理不爽也昔設廄  
之時雖有弊終未至於大相懸殊畏惠無能之  
輩主分養之說其意總為自脫責任而又不能  
除分養之弊朦混措辭毫無定見妄言一呼即  
至殊不知平時領帑分用及交馬時大半折銀  
若必欲交馬僅覓劣弱不堪之駕駘塞責充數  
城巷分居焉能稽考虛實哉况設官廄不過養

二千餘馬以帝京王會之地千乘萬騎方合體制今併此二千餘匹亦不能養尚復成何事體司旗務者能無愧乎又有令五旗王貝勒等分養之議是真囁語窮辭更不直一噱矣諭云兵可百年不用不可一日不備舍馬難言練兵非徒供馳騁盤游也誠以舊章宜守詰戎勿急以期兵精馬足所繫豈淺鮮哉特書予意詳示議事諸臣悉心考核務期弊除政肅永久可行杜

庸碌之口收習武之實是予之至願也。嘉慶  
孟夏中澣奉三無私御筆鈐寶二嘉慶御筆筆  
正心正。

戴衢亨恭跋

臣惟周禮夏官以司馬名職誠以整軍經武  
馬政為先若魯頌誌美於牧坰衛詩載歌夫  
駢牝列服猶然况邦畿所在萬乘所臨哉

國家揆文奮武八旗牧制視前代特詳

皇上親釐庶事綜覈名實因近年廄馬散交官兵  
飼養漸滋流弊

特命議復舊制詳定章程並

御製書事仰見

聖主慎簡軍實至意蓋戎事不可一日忘即馬政  
不可一日弛散則偽冒難稽聚則蕃庶可方  
固事理之顯然者而時其芻秣驗其耗息惟  
在司事者之恪共乃職恭繹


睿製云弊深難除法壞必變此實

聖人經國訏謨凡屬臣工果能凜守

訓言振其玩愒去其因循庶幾百度具舉也夫臣

戴衢亨拜手稽首恭跋敬書鈐印二臣衢亨

鑒藏寶璽寶笈三編石渠寶笈所藏



御筆詠竹詩 一冊

本幅素牋本摺裝四幅皆縱六寸橫六寸一分

御筆楷書

對竹衆綠敷春漸酣足愛我牕前數竿竹高吟  
振管引仙鸞篩月玲瓏影追逐渭川千畝漫在  
胸長伴書檠雅玩供等閒不遇蕭郎筆誰寫琅  
玕清勁容孤標直節懷君子玉立亭亭無偏倚

靜心坐對兩相忘，默寄琴徽抒素紙。風竹曲徑引清風，拂竹來逸響。  
空外簫管鳴，元音自摩盪。伶倫漫製筒，嶰谷良材廣。浮筠動輕颺，凌雲看直上。  
披襟樂泠然，不作求凰想。月竹竹品本至清，照影尤宜月疎輝。  
印玲瓏寒輝見，一髮薄羅襯牕櫺。宛在水晶窟，蕩漾激素蟾。  
逸趣無窮竭，坐久夜漸深。圓靈出高樾，雨竹籜籜凝晚烟。  
瀟瀟立新雨，濯葉增浮筠。澌澌翔鶯聲，絃

篠色益鮮。竇籥潤瑤圃。含滋生意敷。浹洽清華。  
吐隙地。再栽培。擬待長夏補。晴竹五畝竹不  
繁。牕外伴清晝。旭影動琅玕。疎密紗櫺透粉籜。  
欲凌霄。捎雲益滋茂。勁節鮮有同。蒼松品堪副。  
此君慰素心。拈毫四詠就。看竹愛竹誰同余。  
所好勅幾有暇即來看。虛牕月印亭亭影。小院  
風梳裊裊竿。夢斷皇英消別怨。信傳陝蜀報平  
安。此君直節凌霄漢。如彼存心得大端。對竹

二六時中時靜對，生看直節驗吾衷。蕭疎隔月  
牆，篩影峯寂凝烟院。避風冉冉碧筠宜帶雨，猗  
猗翠篠欲凌空。和鶯漫叶伶倫律，別有良材嶰  
谷中。予素無嗜好，偶集詠竹詩數章，彙書一  
冊，娛情翰墨耳。潤明菊、茂叔蓮，不得作平等觀。  
嘉慶御識鈐寶二。嘉慶御筆。幾暇怡神。

鑒藏寶璽寶笈三編。石渠寶笈所藏。嘉慶御筆。所  
寶惟賢。

成親王書

御製義利辨一軸

本幅宣紙本縱三尺四寸六分橫二尺一寸  
四分楷書


御製義利辨

恭載

御筆款  
臣永理敬書鈐印

二臣永理

鑒藏寶璽五璽  
金寶笈三編



綿億太平春色圖 一軸

本幅紙本縱二尺五寸四分橫一尺一寸二分設色畫。瓶中插蠟梅山茶天竹羅漢松旁綴竹根如意水仙百合柿子款臣綿億恭繪  
鈐印二臣綿億敬畫。

王池

御筆楷書

青陽啟暖律。慶洽太平春。品彙栽培德。鈞陶化。

育仁生花筆端爍布景墨池新

昊貺欣敷錫時和安庶民嘉慶癸亥正月上澣御題

鈴寶二嘉慶御筆神動天隨

鑒藏寶璽五璽  
舍寶笈三編

綿億歲朝圖 一軸

本幅紙本縱二尺五寸四分橫一尺一寸四分設色畫盆一植天竹水仙長春瓶貯牡丹海棠梅萼松枝枝上懸磬下綴柿一枚百合一顆款臣綿億恭繪鈐印二臣綿億敬畫

御筆楷書

瑞雪敷京邑新春第一祥羣生普浹洽庶彙盡繁昌的爍紅天竹晶瑩白玉芳凌波衆仙侶獻

歲百花玉清供膳瓶貯其相瓊珮揚嘉符多吉慶雅繪兆豐穰乙亥新正御題鈐寶二嘉慶

鑒藏寶璽五璽  
金寶笈三編

劉權之畫九夏安和一冊

本幅紙本。推篷裝八幅。皆縱八寸四分。橫四寸。設色畫隸書標題。一夏雨生綠。二夏雲奇峰。三槐夏陰清。四江竹夏寒。五梅炎藻夏方蓬。池清夏。七讀書夏樂。八素柰夏熟。九百穀夏登。款臣劉權之恭繪。鈐印二。臣權之。

御筆分題楷書。

嘉澤長贏降。郊原衆綠生。滴青青嶂迴。染碧碧

溪盈透潤園林洽。繁滋卉木榮。開軒欣茂對。時  
若協陰晴。雲自峯顛起。隨風又幻峯離奇。如  
翥鳳夭矯儼。從龍霧隱巍峩勢。霞烘剪芳容。無  
心出列岫。邱壑寄浮蹤。長夏舒清晝。高槐布  
綠陰。喬枝敷茂密。叢樾蔭蕭森。迴接青崖影。低  
含碧澗音。好風送新爽。物外靜探尋。草閣園  
叢篠臨江永。夏寒排雲潮百丈。蔽日竹千竿。鳳  
集來清韻。龍飛捲急湍。孤帆三兩點。真若畫中

看梅于方黃熟朱明候正炎遠嵐前浦合新  
漲曲溪添結實輕霞絢含滋時雨霑平林鋪細  
蔭止渴望無厭虛閣臨荷沼清風送遠香朱  
華搖淺浪翠蓋映垂楊的爍舍初日空明納曉  
涼披圖見君子心慕水雲鄉永晝宜時習草  
亭坐夏絃青編陳几上綠樹滿窗前密蔭籠閒  
砌清流漾錦川研摩勤誦讀典學勉希賢佳  
實芳園滿一林已熟成迎颶香細膩映日影交

橫錯落百珠結。紛敷五色瑩。化工風雨協。庶植遍含英。景長欣遇閏。平秩應南訛。百穀登場廣。兆民沐澤多。壠頭皆獲稻。畝外遍耘禾。繪出康年象。如聞擊壤歌。分鈴寶濱觀。重七

鑒藏寶璽

五璽  
金

寶笈三編嘉慶御覽之寶惟幾惟

康

劉權之畫八風調豫一冊

本幅紙本推蓬裝八幅皆縱八寸四分橫四寸二分設色畫各有隸書標題一。柳風扇暘二。荷風納涼三。竹風煮茗四。桐風調軫五。暖風熟果六。溫風登麥七。信風催漕八。景風為霖。款臣劉權之恭繪。鈐印二。臣權之。

御筆分題楷書

溽暑何由滌欣乘柳岸風長條暢披拂密蔭倍

空濛納爽輕颺遍迎薰午景融園林境高迴扇  
賜念貧窮橋北水雲漾朱華蕩碧汀遠香來  
極浦淨植繞虛亭變幻霞光白微茫嵐黛青冷  
然對君子天籟靜中聆琅玕戛繁響却暑事  
茶鑄逸韻千竿接清風兩腋生影搖淇水淡味  
品玉泉輕恍若鸞凰集遙傳雲外聲爽籟桐  
陰漾疇人生撫琴高梧懷雅調流水是知音綠  
綺軫調玉清商律應金瑤徽纔入拍解悵暢披

襍

薰風吹暖律，四月熟黃梅。鼓盪千葩放，吹

噓百果開揚芬。一林漾成實，滿盤堆長養。生羣

植

化工厚澤培。麥壠翻嘉穎，隨風漾綠雲輕。

颶飄

習習細浪疊。沄沄盈畝田，功美登場農事

勤

三時皆力作，務本在耕耘。轉漕登天庾，依

期早抵通

成陰兩岸柳，助力一帆風。銜尾浮桃

浪連檣挂竹蓬。

昨冬刷清口。

默佑感予衷

風送岫雲布，凝陰暢霑霖。繁聲搖萬

壑衆響戰千林，揮灑迷前渚。溟濛失遠岑，氣機  
相感召。天地發生心，分鈴寶徵觀。

鑒藏寶璽五璽舍

寶笈三編，嘉慶御覽之寶。惟幾惟

康

董誥畫

御製詩意 六冊

本幅紙本摺裝六冊，每冊八幅，皆縱四寸一分，橫八寸三分，設色畫，每幅分錄。

御製詩

御製風簾入雙燕，學舞雙飛燕。因風到畫簾，銜泥欣有間。入幕更無嫌，斜剪湘紋碎。輕穿日影纖，喃喃情共語。對對意彌恬，接翅烏衣巷。尋巢

白玉簷。翩翩傍棐几。下上掠雕匱。啟箔如相待。  
懸鈎漫擬覘。豈貪金屋裏。舊識憶窮閭。

御製春星帶草堂。茅屋臨郊藪。當春映衆星。如  
鉤奎曲朗似。帶王繩。經指點。迴瑤闕。微茫暮草  
亭。貫珠涵蹀碎。鏡水蓄淵渟。泮渙搖書幌。森羅  
透畫櫺。垂天連點點。在戶燦熒熒。木德徵休應。  
東皇叶泰寧。蓬樞昭化育。四野被神靈。

御製繞屋樹扶疎。羣木千章合。陰濃夏正初。清

光方澹宕，生意日扶疎。  
宛爾蕙龍景，幽哉隱逸  
廬。閒庭增綠蔭，遠岫喜青舒。  
鳥樂枝頭趣人觀，海外書風翻。  
畫檻靜，月照夜窗虛。  
密巒鶩遷後，高圍燕乳餘。  
素心誰訪問，靜坐掩荆閣。

御製雲歸帶雨餘，霽色開寥碧。  
雲歸雨腳隨，遠山看帶潤。  
宿草喜含滋，尚蓄為霖意。  
欣餘返岫時，無心猶有勢。  
不敢却非癡，觸石根原遂盈空。  
力未疲，冥濛縈柳線。  
幕歷織荷絲，萬樹蕙龍接。

千峯突兀奇

上林清景足新漲鳳皇池

御製琅玕籠曉牕  
青翠色侵曉虛窗竹影龍日  
含金瑣碎雲護日  
璁瓈淡蔭鋪朱檻  
清音透綺櫳  
自沾晨氣靜常幕  
露華融披拂高人節  
低徊君子風瀟湘  
情不遠淇澳意堪通  
冉冉煙凝樹  
亭亭霧滴空朝來  
宜晤對掩映畫簾中

御製帶月荷鋤歸  
不覺晚春起携鋤緩緩歸舉

頭初月上極目夕陽微攬照方盈手衝烟尚擷衣踏莎迎素彩度隴負清輝籬落犬聲出村墟人迹稀形神勞暫遣左右影相依恰喜肩應息都忘汗欲揮到門宵露重稚子候柴扉

御製讀書松桂林何處讀書好清宜松桂林樹分濃淡景人坐短長吟異卉攢珠細驚濤入耳深低枝紫帙落葉拂羅襟月轉釵橫翠風翻粟綻金開函勤寸晷依樾惜分陰注碧添茶鼎

飄香拂硯卷一編欣靜悟幽致愜遐。

御製迎歲早梅新。

○迎歲梅開早芳苞及令辰信

傳三尺雪花報一枝春拓綺來湘女凝裝降洛

神風前舒半面月下逗初顰庾嶺連翩發孤山

邂逅親清疎繞有韻淡泊不生塵詩思尋高致

琴音撫淨因素英欣饑臘逸友正鮮新

以上一冊

御製隨意數花贊。

○閒玩芳園蕊苞開贊正多臨

風拈共笑帶露潤宜呵一簇誰工數三毫亦辨

訛鬟鬟捎蝶粉，細細織蜂窠。燕掠應愁剪鶯憐，  
未遽梭凝香。欣小漾轉影，欲微槎漫擬絲分絮。  
還同意綻荷看花幽興足，生意舞鬟鬟。

御製鳥窺新捲簾。閒庭簾乍捲，深樹鳥頻窺。欲  
傍階墀戲，應無矰繳疑。鏡開如對舞鈎漾，欲來  
遲。求友誰為侶，尋巢肯後期。坐衣紫弱羽，拂檻  
裏烟絲。故故情相接，依依意不移。清聲傳燕子。  
逸品答鶯兒。王謝難常戀，茅檐景物宜。

御製首夏猶清和。暮春歸緩緩。首夏有餘清。不  
覺流光轉方欣。品物亨。鳥鳴翻舊曲。葩燦簇新  
英。日映榆錢散。風披柳絮繁。濃陰鋪卉木。淑氣  
浹軒楹。時節梅初熟。池塘草倍榮。圓荷舒葉小。  
細麥結花輕。靜驗長贏至。三陽候漸更。

御製柳橋晴有絮。波池垂綠柳。舞絮向晴霄。相  
趁瀠洄水。偏繁宛轉橋。岸頭斜點綴。石齒半飄  
搖。綠蔭銀塘暖。香含翠浪迢。千條織絲縠。萬點

撒縠綃積處凝桃渡浮來惹畫橈雪飛渾不識  
萍化未全消好著攜筇却無端春思撩

御製生看雲起時水曲山迴際紫紆雲氣遲扶  
筇看杳靄坐石望歲艸林杪葱蘢際封中翁蔚  
時無心帶烟起著意任風吹擘絮情尤近從龍  
象自隨幾彎翔澗畔一片寄川渭出岫形常幻  
成峯勢每奇崇朝欣偏雨未黍待優滋

御製秋山極天淨翠屏千疊秀好景愛秋山峯

沐青螺髻巒磨碧玉環鴻聲清遠塞驚影靜禪  
關茂樹枝全綠芳林葉未殷天高出雲表地迴  
接仙寰一色晴空外孤標霄漢間鳥飛窮仰止  
風御或躋攀極目嵐光淡烟霞淨欲刪

御製桂樹凌寒山 仙桂叢生久經時茂遠巒清  
芬和肅發金栗映盤珊枝榦三秋老冰霜五夜  
寒婆娑翠嶂矯連卷錦雲漫梅萼心含素楓林  
葉正丹剛風天半轉涼影月中完點綴危崖秀

離披古徑攢地高攀不到翹首碧霄看

御製先暖讀書帷

冬日臨南牖

經帷暖似春煦

如情可愛藹若意相親恰趁三餘後勤披萬卷

陳避炎如執熱却冷漫燃薪映几黃絲厚臨牕

綠字勻依光欣講道就燠樂怡神自得舍暉妙

應憐映雪貧書城宜坐擁刻漏又傳神以上二冊

御製梅柳渡江春

梅柳因春發芬菲宛渡江風

初來上苑信早透南邦弱縷差池展芳心次第

降章臺翻舊曲，庾嶺譜新腔。  
麴碧痕還碎，桃紅漲未淙。  
合烟花正馥，帶月影成雙。  
欲綰韶光住，微滋夜雨拋。

化機舍植物，雲樹映書牕。

御製水深魚極樂，游魚極樂境。  
春水綠波深有隊，穿萍戲無人。  
把釣尋永永，天澤濶不受。  
世機侵，豈擬珠鮫獻。  
空勞璧馬沈，風濤全靜險。  
湖海兩忘心，汎汎桃溪畔。  
洋洋柳岸陰，倒驚新月影。  
仰聽古琴音，咸若皆生趣。  
還同鳥在林。

御製雨息雲猶積。乍息西山雨。還留北嶺雲層  
陰凝或散濃霧聚。猶分尚蓄為霖意。都關觸石  
紛鋪來迷遠樹。積處隱斜暉。曲岫龍危嶂平湖  
漾麴紋披襟風爽豁。彌望氣絪縕。潤色添書幌  
晴光透碧雲。田間歌大有。沃若利三耘。

御製空翠落庭陰。雨斂暉逾淨。庭陰翠滴空蒼  
然來暮靄疎處引清風。碧上苔痕濕。光浮草色  
融鳥啼深葉裏人生曲欄東。煮茗情偏暢敲吟

興不窮千章搖巒藹滿地影葱龍冉冉松烟細  
霏霏花霧濛最欣餘潤好爽氣近簾櫳

御製標峰綠虹外奇山環浙左百丈掣虹橋衆  
嶺皆歛景孤峰獨建標光凌青嶂外勢與白雲  
超矗起鼇能抃飛來蜃不消仙梁成燦爛佛髻  
映迢遙霧擁千尋辟霞明五色綃高看天瀑洗  
幻莫海風飄鴻絰虛兼實誰憑畫手描

御製秋澄萬景清爽氣高秋薄虛澄萬景咸波

光涵遠渚雲影淨層巖風漾臨池柳晴烘帶雨  
杉泉根如蕩滌石骨出雕劙鶴老音初警蟬疎  
韻漸芟芳蘂含豔立蜂蝶繞花街恰喜銀河淡  
猶遲玉律嚴

上林天正齋勝概判仙凡

御製山月照彈琴。月映千山靜。幽人正鼓琴。清  
光淨玉軫。虛籟落青岑。夜寂翻高調。天空照素  
心。冷張衣露淨。漸轉石蘿陰。對此銀蟾影。偏宜

隱鳳音松濤流絕巘桂魄動疎林目送遙峯迥  
聲隨止水沈金波澄瑩翠雅操寄情深

御製林表明霽色 陰嶺雪初積高林景正含曦  
光搖古木霽色罨虛巖點綴葩凝白輕清天映  
藍鶴翻銀翮健梅醉素心酣黍谷春將透枝巢  
鵲欲探空明宵更朗峭蒨徑誰諳綻樹花千億  
尋芳客兩三凌寒遊興好福地紀終南以上三冊

御製春泥百草生 郊原春雨足高下綠初齊浸

潤盈千耜滋蕃透一犁露濃斜冉冉烟重遠萋  
萋漸覺青連隴欣看碧覆隄蒼苔緣地遍翠毯  
接天低墨彩皴新畫莓痕印舊題浮波虛白蹄  
踏野襯紅蹄問景沿村外誰家燕啄泥

御製春鷗洗翅呼春水三篙漲輕鷗浴小湖隨  
波欣自泛洗翅喜相呼拍岸魚驚影臨汀柳接  
蕪浮沈穿碧藻蕩漾趁青蒲冉冉看飛鶩悠悠  
傍睡危隴頭催布穀樹杪勸提壺共聽禽言樂

都沾和氣濡忘機天澤潤濯羽毛俱

御製遊思竹素園竹帛資遊衍名園夙所欣汗

青披藝府葆素養天君自覺觀摩妙都忘臭味

分清音非瑣碎淨質絕塵氛探簡琳琅錯摘華

錦繡雯鳳林懷夏玉綯帙好編芸四庫開珍策

三倉煥貴文

睿思紬繹處稽古仰時勤

御製雲逐度溪風風拂雲生谷雲隨風度溪掠

波如共逐曳練似相攜乍吐懸輪景還連飲澗  
霓峯頭俄聚散渡口辨東西崖轉容將斂林疎  
勢欲齊英英暝靄合淡淡暮烟低漸覺松聲寂  
應憐鶴影迷喜成為雨意透潤遍山蹊

御製秋風動桂林 小山仙桂發佳候未秋深香  
吐風翻蕊影含月滿林搖枝芬淡淡落子夜沈  
沈嫩葉英流翠芳苞栗綻金一花能獨秀片玉  
好同音披拂千重錦縱橫幾疊陰吹噓如有意

開謝本無心蟾窟蟠根大封姨力漫侵

御製牀上書連屋乍過東籬外圖書滿目前盈

牀編總列挿架棟相連甲乙青絹展高低玉笈  
填燕泥終不落胤穴巧難穿疊疊幽廬表層層  
素桷邊支須龜背力蠹避麝臍烟雅是黃金築  
真看綠字全客來耽枕薜問竹望重廷

御製寒鳥相因依衆鳥因時萃南枝可避寒羽  
豐雙翥穩毛翫並棲安向日聲相應營巢力未

蟬咽喈流逸韻下上弄柔翰自得賓朋樂休驚  
卉木殘鶴行依禁籞雁陣影遙灘若引遷喬侶  
還催待漏官啞啞天欲曙飛集鳳樓端

御製望雲思雪意 欲雪濃陰結遙空入望宜山  
頭分淺淡天角幻離披集霰徵先兆微濛恰及  
時封中隨霧起樹杪浹烟垂未許飄風蕩應放  
惠澤施葱蘢纔鬱鬱醞釀故遲遲農事春初急  
宸衷午夜思已成霏屑意心與白雲期以上四冊

御製風花高下飛 惠風初應候 寒食正飛花蕩漾  
辭林杪 紛飄到水涯 有形分遠近 無力任橫斜  
梨苑偏翻雪 桃蹊更捲霞 浮香衝蝶陣 趁蕊亂蜂衙  
綠點幾枝映 粉留半面遮 自能同絮舞 還足向春誇  
廿四番全過 開時不覺賒

御製海明先見日 岱頂望蓬瀛宵分海日生先看  
純灝灝漸放大光明巨浪流金盪洪波織綺成元珠赤水獻  
火齊燭龍擎晃漾重離皎涵濡

一氣清九烏還繞匝百鍊益晶瑩鼈背騰丹鏡  
鮫宮噴紫瑛須臾遍六宇焜耀滿神京

御製紅藥當階翻 姜尾紅苞綻階前濯錦繁芳  
姿和露浥秀色向風翻綽約披綸綺纘紛映鳳  
鵠凝烟舒絳萼待雨洗脂痕葉散輕颺轉花分  
早旭暄當簾疑解笑倚檻自無言艷擬三春茂  
濃添九夏蕃託根欣得地香滿

紫微垣

御製山水有清音  
山水含真趣恒留太古音寒  
泉飛碧巘爽籟發青岑朝夕鏗幽響宮商振遠  
林岩阿流澌瀝澗曲遙浮沈調靜翻長笛聲希  
和素琴澄懷能洗俗入耳自清心渺渺岡巒迴  
潺潺島嶼深隱淪如可接好和太沖吟

御製修竹不受暑  
琅玕十畝竹綠篠正森修未  
覺三庚暑先迎五月秋瓏玲凝旭影蕭爽引風  
柔著雨烟含嶼凌雲翠倚樓露溥初潤碧薰

漸鏘球靜挹千竿秀清餘一徑幽暗香聞苑籞  
疎影度簾鈎解愠宜長日亭亭冕自周

御製高松來好月。月上高峯迴清光松際來玲  
瓏篩綠蓋澄藹草蒼苔。彩散龍鱗漾輝搖鶴夢  
猜寒聲濤謾謾素魄鏡瞳瞳合向瑤階種分從  
闌苑裁雲中偕馥桂林下伴疎梅映戶多佳蔭  
當聽得靜陪風吹青鳳羽空外舞迢迢

御製飛鴻響遠音。秋風吹萬里天外落鴻音順

候辭寒塞。飄空近碧岑。低隨黃葉下。高度白雲深。  
湘水人延佇。蕭關夢杳尋。淒清初入耳。嘹唳忽驚心。  
南浦樓頭月平沙。指上琴牕聲搖渚社。  
砧韻答庭陰。振翮丹霄路。冥冥思不禁。

御製山明望松雪。雪霧遙山朗。寒光半在松。  
烟連形天矯。凍合氣葱蘢。蝶粉鋪霜榦。蚪枝晃玉  
峰。影分初夜月。聲帶下方鐘。徑狹孤根聳。巒迷  
古黛重。低垂千舞鶴。倒挂萬遊龍。夕照崖前絢

流雲澗底封翠屏，欣入望爽豁色方濃

以上五冊

御製花遠重重樹

遠樹含春雨

花開不厭重香

飄疎若密色浥淡還濃紅藥層層接緋桃面面

逢和風輕倦蝶暖蜜欲酣蜂影護新鶯夢枝迷

小燕蹤連翩珠霧疊錯落錦雲封漫乞榆錢買

真着柳線縫尋芳路幾轉緩步語從容

御製宮柳黃金枝

春色舒宮柳枝頭漸染黃惠

風吹綠早曉月滴金涼水照還孤影鶯棲尚澀

簷上林花綻  
豔綺閣線梳  
長峯峩龍池畔  
依依鳳沼傍  
遊人誰繫馬  
駐輦或牽羊  
待展翠成幄  
即看青滿塘  
韶光敷禁苑  
萬彙競芬芳

御製槐色陰清晝  
晝永庭除悄高槐  
嘉蔭森枝交青似蓋  
葉密翠成陰逕菴苔痕細  
階連草色侵迎涼舍宿雨  
延爽接遙林壯牖閒中領南柯  
夢裏尋曲廊風淡淡別院日沈沈  
不道綠天美待看黃雪深  
扶疎欣繞屋更欲聽清音

御製隔岫窺紅蕖 曲折溪流遠紅蕖隔小陂香  
從烟外送艷向岫間披未許一枝採頻將半面  
窺竹林分掩映松鴟影參差冉冉潤風拂瀼瀼  
石乳滋雨酣多潤澤雲想見丰姿隱現花心發  
微茫鼻觀移非同平沼泛十里散芳漪

御製蘭池清夏氣 日永蘭池靜宜人夏氣虛清  
光欣澈灔霽景樂專與波潔涵雲樹潭明出露  
葉汀頭翔白鶯藻際有游魚生石獨垂釣臨流

自校書小橋通略約細柳映扶疎烟幕平林外  
霞明落照餘徜徉濛濮意悅性恰如

御製明月照高樓皎皎長空月峩峩百尺樓月  
明樓入夜樓迴月當秋鏡朗萬形澈珠懸一色  
浮參差鶯瓦畔溶漾畫梁頭雲際遙翔雁灘間  
穩睡鷗重簷涵桂魄飛閣下銀鈎玉宇凝輝夐  
金波倒影流湘簾天上捲高挂水晶球

御製微雲淡河漢秋至天潢皎雲開碧宇清霏

微凝靄靄淺淡亘盈盈月映寒波瀉星迴素練  
橫仙槎尋莫辨河鼓象空明卵色浮銀浦機聲  
轉玉衡涼侵珠閣迴光浸露盤呈達曙輝猶潤  
中宵彩半泓為章涵爛縵會見泰階平

御製寒爐煨柏枝 閨苑雪花積蘭房  
柏枝煨融生煖氣緩緩撥寒灰但使嚴凝避無須烈  
催釭明同煦嫗客馥得滋培不覺芋根熟誰將  
黍律回黃絲方益線綠蟻好傾罍伏火天心暢

洪鑪春意恢幾家焚甲煎永夜玳筵開

以上冊

款臣董誥敬書恭畫鈐印二臣誥同

六冊

鑒藏寶璽

五璽全

寶笈三編嘉慶御覽之寶

重五

惟幾

惟康

重五

董誥畫開韶集勝一冊

本幅紙本摺裝十二幅皆縱六寸一分橫一  
尺二寸二分設色畫山水各有隸書標題一  
春社延賓二春泉漱玉三春原叱犢四春林  
生翠五春港紅酣六春禽新綠七春帆細雨  
八春岫歸樵九春園嬰戲十春溪漁樂十一  
春鴟青帘十二春湖香雪款臣董誥恭畫鉉

印二臣誥

御筆分題楷書。

獻歲村農樂事多。草堂樽俎衆賓羅。去年倉廩已充實。更祝今年富泰禾。初泮輕冰新水盈。  
臨溪草閣玩澄泓。披圖乍見飛流勢。傾耳如聞夏玉聲。桃灼川湄柳柘絲。平臯新綠映清漪。  
板橋叱犢多佳致。應識催耕力漸疲。崖迴溪  
平曲徑藏坡陀掩映遍修篁。幽人策杖攜珠柱。  
欲坐草亭引鳳凰。曲港迴環山蔚藍。夾溪桃

杏醉春酣韶華炫染真佳麗勃發生機腕底含  
土膏萌動試耕畲農事方興東作初雞犬聞  
閒人靜適仙源至樂世塵除溟濛遠渚霏春  
雨恰趁波烟桂片帆兩岸疎林增潤景依稀水  
閣倚高巖春色紛敷碧嶺深蔚藍列岫映繁  
林丁丁逸響答空外樵子歸來夕靄侵碧葉  
紅蕤韶景舒峰嶸九子戲庭除年光莫漫輕拋  
擲虛置匡床萬卷書習習和風拂柳絲綠絲

搖曳滴漣漪漁人網集春波活潑漢高懷得自  
怡兩峯接秀碧溪連暖媯香盈花欲燃蕩漾

青帘引遊客買春莫惜杖頭錢  
晶簾噴雪懸香二妙乘舟載仙禽訪高士孤山  
雅興硯池拈癸亥新正御題鈐寶二會心不遠  
德充符

鑒藏寶璽五璽合寶笈三編嘉慶御覽之寶所寶惟  
賢

戴衢亨歲朝衍萬圖 一冊

本幅紙本摺裝十四幅皆縱四寸二分橫一尺二分設色畫各有隸書標題一枝春早二二麥培囊三三陽肇泰四四野農祥五五鳳晴雲六六街喜爆七七種蔬香八八風啟淑九九曲恬波十十洲韶慶十一百卉含滋十二千條綠意十三萬家煙雨十四億兆同熙款臣戴衢亨恭畫鈐印二臣衢亨

御筆分題楷書

條風披拂轉南枝春到梅心露靜姿一默幽芬  
開戶外飽含雪澤發華滋千畦積雪培深厚  
宿麥凝膏茁陌阡白玉田中抽綠頴陽春嘉瑞  
入新年開韶交泰應三陽咸沐生成品彙昌  
芝草喬松並繁茂農功舉趾兆豐穰土膏透  
潤利耕牛庶姓辛勤農事修繪出昇平真氣象  
芳春霽景滿皇州渥膏既足放新晴雲裏輝

煌鶴龍明淡綠已敷宮樹遍欣傳街市報春聲  
帝京元夕樂豐饒吉爆花燈朗徹宵列肆雲  
連歡比屋堆盤菜甲喜新挑始青入律獻辛  
盤挑得嘉蔬嫩甲攢生意無涯新綠展和颺料  
峭釀輕寒春風吹萬響調水竹戛笙簧柳拓  
條鼓蕩長溪冰欲泮榮光溶漾映波遙黃流  
恬靜宜利涉漕運連檣轉萬帆九曲安瀾循軌  
度三山稱祝譜韶咸增城阿閣在崑崙三島

十洲總寓言欲識化工真實理百花齊放綺春  
園東皇雨露妙栽培白白紅紅次第開不盡  
芳菲繞離畔遙連柳岸映崔嵬依依新柳綠  
將齊翠巒郵亭接大堤萬縷千絲綰春住輕煙  
細雨望低迷連邨比戶樂盈寧春雨優滋暢  
始青潤浥芳郊農政美歡騰兆姓遍柴扃懷  
葛淳風寸心慕願期熙皞普寰中披圖自愧未  
臻治何日斯能慶大同乙丑新正御題分鈴寶

會心不遠

重

三德充符

重

二幾暇怡情

重

一得佳趣

重

澂觀

重

二比德

重

二朗潤

重

二寫生

鑒藏寶

重

五舍


重

寶笈三編

嘉慶御覽之寶

惟幾惟

康



戴衢亨畫壽字咸熙

冊

本幅紙本摺裝十幅皆縱六寸橫八寸設色  
畫山水各有隸書標題一芝田擷秀  
延齡三松陰調鶴四雲巖扶鹿五橋下清潭  
六壺中樂意七草堂讀易八煙波釣叟九芳  
畦抱甕十茅檐獻曝款

臣

戴衢亨恭畫鈐印

二臣衢亨

御筆分題楷書

畸人扶短筇，攜童入青岫。山中有仙芝，食之可長壽。  
瑤光爍九苞，華采蘊三秀。福田結瑰奇，擷英日滋茂。  
秋色暢紛敷，黃華滿巖谷。絢爛若春園，清溪漾雅馥。  
素蓋綴巔寄幽香，浮渺瀲淵飲味甘芳。遠勝參苓服，翠蓋蔭平坡。  
夕陽烘遠宇，餘霞散朱綃。密陰翻雪羽，喬枝矯然棲峻坂。  
翩然舞相招，集九皋。人間有元圃，溪流繞蒼岩。  
松雲出幽谷，繁林鋪翠微。曲折達平陸，老

翁與鹿遊手扶樂攸伏順則不識知咸若普馴  
伏葱鬱結綠陰陸離綴朱橘益友共招尋忘  
形樂真率席地暢論心碧毡堪舒膝笑指山水  
間妙合營邱筆遠碧點崖凹奇峯現邃谷幽  
境無俗喧平林隱茅屋枝頭出青帘應知新釀  
熟提壺興陶然不向紅塵逐叢樾繞堂前溪  
雲浮遠翠板橋連曲崖春空正明媚達士觀生  
機隱几讀周易衆妙蘊天倪研磨探奧義峭

壁臨長溪扁舟出林角生涯在煙波清流可漸  
濯濛漠興悠然絲綸在掌握浩渺雲水寬鏡光  
涵綠幄遠山滴青空秋容繪菊圃生意暢紛  
敷臨風素英舞老翁課奚童揮灑甘泉縷灌漑  
益滋榮春華不足數牆事已畢登倉囷萬寶  
積茅檐冬日暄小陽愛景赤曝背樂黃綿和洽  
心神益比戶免飢寒敷天普德澤乙丑小春月  
中漸御題分鈴寶比德得佳趣垂露朗潤幾暇

怡情激觀

重

寫生會心

不遠德充符

鑒藏寶璽


五璽全

寶笈三編

嘉慶御覽之寶

執兩用

中



戴衢亨畫夏槐八景一冊

本幅紙本摺裝八幅皆縱四寸五分橫九寸  
九分設色畫各有隸書標題一槐市橫經二  
槐黃試舉三槐街珂集四槐路蟬吟五槐舞  
虬龍方槐陰霽月七槐廳淪茗八槐谷流甘  
款臣戴衢亨恭畫鈐印二臣衢亨

御筆分題楷書


畫長密蔭合虛庭絃誦研思習六經窗下功深

勤學植綠陰已遍第三廳。高槐舍潤綻花黃。  
恰近試期舉子忙學古治今資國士一枚待採  
廣寒香。嘉樹舍薰夏景和退朝庶尹集鳴珂  
天街高夾無煩暑金水橋邊午蔭多汀前柳  
影連槐影林際蟬聲答澗聲逸響靜傳清蔭裏  
相忘塵世屆三庚文石玲瓏層閣高出簷雙  
樹碧周遭臨風時作虬龍舞空外長松和遠濤  
槐籠皓月散輕陰滿浦清輝宵景深雲斂天

澄嵐影合空庭得槩共論心 門對溪崖佳處  
開扶疏繞屋盡高槐畸人結夏多清興獨立中  
庭茗一杯 夾岸碧林清蔭敷崖幽谷複路盤  
紆飛泉一道甘芳洽濺石浮英出澗隅戊辰仲  
夏御題分鈐寶幾暇怡情重得佳趣重會心不

遠三德充符重

鑒藏寶璽五璽全寶笈三編



戴衢亨畫夏荷八景一冊


本幅紙本摺裝八幅皆縱四寸六分橫九寸  
九分設色畫各有隸書標題一荷芳閨節二  
荷瑞重臺三荷軒快雨四荷閣薰風五荷杯  
泛綠六荷舫搖紅七荷池魚戲八荷沼禽嬉  
款臣戴衢亨恭畫鈐印二臣衢亨

御筆分題楷書

蕤賓置閏候方長虛閣臨汀遍水芳高士倚欄

對君子心清香遠淡相忘。朱華層疊翠盤擎。  
瑞表重臺雲錦瑩。教漢種傳植塞苑。千葩千葉  
寶光呈。林煙溪霧結溟濛。聲戰池荷雨陣雄。  
碧蓋勻圓珠萬顆涼亭潤透遠芬融。崖隔清  
溪林隱樓薰風四面夏如秋。遙汀淨植舒晴宇。  
靜覺閒庭雅馥浮。綠沼朱華飄午風虛窗悟  
對賞心同舉。益靜覺清芳徹淡淡幽香注碧筩。  
花籠波影碧籠煙。滿浦清芬漾素蓮。緩放赤

欄小艸船。不知身在水雲天。葉密花繁遍綠池。  
潛魚在藻任遊嬉。忘機濠濮樂咸倦。南北東西無不宜。  
朱萼亭亭燦碧流。鶼鷀鳬燕互沈浮。飛翔種植皆生意。  
讀畫拈題物外遊。戊辰仲夏御題分鈐寶。會心不遠重德充符重。幾暇怡情。二得佳趣重。



阮元書

御製味餘書室隨筆六冊

本幅覆青牋本摺裝六冊。第一冊三十幅。第二冊二十六幅。第三冊三十一幅。第四冊二十七幅。第五冊二十五幅。第六冊二十九幅。皆縱四寸五分。橫七寸七分。泥金楷書。

味餘書室隨筆全部并附錄朱珪恭跋文已刊本  
頒行朱珪跋款臣阮元敬畫鈐印二臣元各冊  
亦附刻卷末

鑒藏寶璽

五  
全

璽  
寶笈三編

黃鐵書

御製同樂園茶宴詩 一冊

本幅金栗牋本摺裝二十二幅皆縱六寸九分橫一尺一寸三分楷書

同樂園茶宴諸王大學士及內廷翰林用平定  
三省教匪聯句復成詩二首 三年

望捷未聯吟七載方酬

望捷心竄蜀頑民皆掃蕩

在天聖日式昭臨敬承

遺訓鴻猷展永靖邪氛愷澤深悲憶

違和憑几盼拈毫紀事淚霑襟始於楚地蔓於川

荼毒黠黎已七年錢斂根基羣狗盜教名彌勒

野狐禪雪敷青甸生嘉穀孽淨潢池剗白蓮幸

沐

天恩全底定持盈保泰勉仔肩嘉慶八年歲在癸亥

孟春月八日御製鈐寶二嘉慶

皇子暨臣工恭和

蕩平蠭賊展聯吟三省綏和慰

聖心

天藻敬瞻嘉瑞降電旌馳報早春臨撫矜衆庶羣  
安普懋賞勲臣

渥澤深烽火永消清宴世凌晨餘雪尚霏襟芸  
生暢育靖秦川快觀咸韶慶有年良帥同心

殲草竊

天心整隊剿妖禪清華岸畔舒瓊樹爍爛簷端漾

翠蓮共沐

鴻鈞占泰宇儒臣珥筆喜隨肩子臣綿寧恭和鈴印

二子臣綿寧宴錫

穹廬繼

倡吟開韶瑞雪愜

宸心文成紀略瞻雲倬句啟聯賡炳

日臨

功不自居功愈駿

喜茲同樂喜方深從斯隴坻妖氛靖庸蜀微盧控

帶襟不值紅旗馳兩川恰欣黃摺及開年

倒旗空額天王字繡衲何參老婦禪關靜鹿

頭金卸甲山齊熊耳玉舒蓮小廉大法欽

諱諭洛爾封疊勉荷肩臣永璇恭和鈐印二臣璇

茶筵

特命預聯吟敍同堂見

聖心獨運經綸酬

付託總歸

陟降念

憑臨八旗子弟

推恩溥三省閭閻被

澤深更值告豐元日雪開韶事事慰

沖襟師行勝勢決長川歲績剛逢迓歲年豈有  
溫鴻稽敗鼓真成彌勒坐枯禪民消劫運登

瑤席

佛用慈心坐寶蓮共仰昇平垂萬禡欽承

負荷佛時肩臣永理恭和鈴印二臣理

屬國朝

正例

唱吟功成恰慰

聖人心韶增

御苑春旗轉歡洽名藩綺席臨四海昇平知俗  
美一家中外共情深宜頌湛露圖王會

謨烈光昭暢

睿襟青陽春氣至如川

御殿筵開例昔年蜀徼已懷食椹羽鎬京羣樂  
化人禪棟雲映入三珠樹寶炬輝含萬朵蓮  
聖化覃敷臣庶喜持盈益凜

帝王肩臣永璘恭和鈴印二臣璘穀日詞臣和

睿吟一天喜氣愜

皇心雪華恰助年華麗

聖澤還同

帝澤臨宴列

穹廬人共集春回

禁苑景方深太平首歲先呈象和藹從容溢快

襟十行

詔暨陝湖川從此居民慶稔年尺布嘯奸渾似獍  
炷香感衆妄稱禪革心重覩仙臺月角首全

依

佛座蓮共識萬方歌樂利

淵衷猶自凜承肩

臣

綿恩恭和鈴印二臣恩

德化宏敷動

睿吟春融四海見天心南山積雪祥光溥北斗聯

珠紫氣臨

恩溢屏藩威自遠運隆熙皞

福彌深

御園開宴瞻

高贊六合華胥愜

聖襟。春風駘蕩麗山川。三白徵祥洽瑞年。祇看  
貌貅歌咏至。不教狐鼠托逃禪。杯添醞釀光  
浮蟻。影射焜煌炬吐蓮。

雲漢奎章昭

聖治載賡合媿聳詩肩。臣綿億恭和鈐印二。臣億  
匪寧有教似蟲吟。吏曠其官失衆心。仰賴  
天威狂獮剿即承。

帝德澤膏臨殷懷

昊貺誠能格敬紹

前徽念獨深此日成功息勞勸阜安猶自繫

宸襟

梯航輯瑞越山川

有道同稱億萬年秦楚

封坼還廣莫西南番藏敉真禪兆豐已喜階

重璧賞節行看火種蓮捧誦

天章榮錫賚

恩深還媿弼時肩臣劉墉恭和鉉印二臣墉

兵

氣全銷喜起吟

疇洛七載

旰宵心桂符已淨歌橐戢

旭卉昭垂仰

質臨仁育止戈歸教正

慈申錫謙荷

恩深嘉辰八穀仙韶奏賡詠爐香拂袖襟

蝟鋒

螳斧楚秦川歲績欣逢脫劙年篝火鳴狐甘

作孽炷香斗米妄言禪風雷正陣遙摧擗霜  
雪嚴威盡剪蓮凡百丹忱期共矢法廉仰答  
佛時肩臣董誥恭和鈴印二臣誥卷阿今日快  
賡吟七載先憂慰

聖心

天道方諶剥轉復時徵正際泰承臨清陽無量昌春  
肇集地施膏尺澤深誰識籌民

宵旰久喜翻倒劇

翠雲襟

獮犬封鯨楚

陝川蕩平真見太平年八

方蜡報寰中慶十種魔空教外禪王馬瑞騰

六出雪燭龍銜照九華蓮

至誠呼吸

高穹佑恭儉先勞獨永肩

臣朱珪恭和鈴印二臣珪

笳鼓歸來競病吟軍無傳箭慰

宸心驅塵掃孽成清泰籌筆銷兵仰

知臨擊柝不驚妖氣淨受塵復業

聖恩深載塗雨雪看還卒脫却戎襟盡換襟開

韶獻歲

福如川稠疊瓊霧兆有年消盡餘氛極樂界超離  
苦海大乘禪焚巢還戒連岡玉解網仍憐入

火蓮椒頌恰隨銚吹曲

貽謀大孝副

仔肩臣劉權之恭和鈴印二臣權之叨陪廿一度聯吟此度彌增慶抃心華宇全燭寰海靖

儀璘高照

大君臨成功惟藉  
神謨運善後仍霑

聖澤深同樂園中幸同樂最同樂是慰

宸襟荆襄巴蜀帶秦川蛇豕潛蹤近七年貳負

已經全伏桎波旬安敢再驚禪妖氣盡化風  
中蘀甘露還滋火內蓮

威德崇閭言莫罄惟將三五頌

齊肩臣紀昀恭和鉉印二臣昀恭和穀旦茶筵

愜

睿吟

天心謁霽慰

皇心黃封隔歲軍郵靜白槧迎年澍澤臨繡壤競

占農事稔

丹綸疊荷

主恩深聯茵何幸陪清讌和氣祥風滿

舜襟延洪

景福信如川凱奏歸來慶有年三省人游極樂國

萬家

佛頌大乘禪

威棱已淨苗間莠

恩澤均霑火際蓮賡詠欽承

天喜近並叨

渥賚愧駢肩

臣載衢亨恭和鈴印二臣戴衢亨恭

和冰燈曾此暢

清吟舊典重開

同樂心民刦全消

天運轉賊風淨殄

帝威臨都由

睿略籌幾切始信

釀膏沃惠深迴憶春正柔兆歲七年方得快披襟

新韶駢集福如川三白元辰兆有年兵已

銷兵太平世。食思得食大乘禪。春光欲坼芳。

園柳潤氣能生火。宅蓮買犢買牛趁東作茨。

梁秋定壓頰肩。臣彭元瑞恭和鈐印二臣瑞

重華曉啟昨賡吟。

同樂新開衆愜心。宜穀東郊豐歲兆宴藩。

西苑

大君臨早籌善後膚功奏。預燭幾先。

睿念深。七載辛勤符。

勝算臚歡此日慰

宸襟如松如柏復如川天保歌詩紀昔年始信  
武功超往代不徒文字結深禪迎韶  
澤沛千林雪計日燈開萬丈蓮

游豫從來皆中度未嘗一刻叟停肩臣英和恭和

鉉印二臣和 腹端綺序

詔賡吟歌舞昇平愜

帝心孳孳盡銷民氣樂櫈槍迅掃景星臨

十全繼志

神威播七載籌戎

睿慮深

聖武誕昭文德洽兩階千羽慰

宸襟福庥方至頌如川雲物齊書大有年

聖治體元光四表

皇圖祝鞞遍三禪絪縕瑞靄爐融篆飄灑祥雲漏

滴蓮兆協農桑徵國慶式

敷民德一心肩臣關槐恭和鈴印二臣槐盼捷

頗年繹

睿吟歲功仰慰

在天心餘氛迅掃風雲合

偉烈光昭日月臨七載籌幾

神算定十行布澤

湛恩深寰區此日春祺普卷舞衛歌怡

聖襟

景福增如游至川告成芳宴啟新年祥徵初歲霏

三白喜洽寰瀛即四禪玉液生杳杯泛茗銅

壺滴響漏聞蓮微臣忝與賡歌列

虞陸阜颺得並肩

臣潘世恩恭和鈐印二臣恩

吉語西馳紀雅吟功成

繼述慰

皇心

指揮久仰

謨猷赫呵護頻思

陟降臨樂奏九歌韶景麗雲霏六出土膏深首春  
聯咏叨簪筆鶴鷺趨隨共整襟小醜鷗張厯楚

川

籌戎始自丙辰年

仁加三宥原如佛魔入歧途必掃禪芟削還同苗  
有莠矯誣莫信舌生蓮凱成

錫宴瞻

天藻窺管惟應愧及肩臣王麟恭和鈐印元臣麟

燕啟

春園紀

愷吟七年方慰

聖人心安民績歲酬

昭鑒

佑順功成荷照臨率土敷寧歸業衆敷天涯沛

錫恩深

拈毫撫序彌增感

大孝恒懷永慕襟 聚於川乃靖於川露布傳來  
臘送年宿業盡捐安正覺波旬已淨息迷禪  
窮山蘖剗摧枯蘚智火輝騰熟敗蓮億載太  
平仁壽寓旰宵總仰

一人肩臣趙秉沖敬和鉉印二臣趙秉沖筆沾春

雨 芳園式宴啟

宸吟除芳安良愜

帝心函拯愚頑歸軌範彌昭

聖武被光臨羣黎復業生誠遂上將書熟  
澤正深更喜新韶三白見殘冥猶拂侍臣襟  
獻

頌瑤階叶阜川祥符穀日兆豐年

奎章秀擷毫端益茗椀香參鼻觀禪燕樂  
恩濃歌在藻賡吟思純漏移蓮籌勞七載勤

宵旰

祖德

天心力永肩臣萬承風恭和鈐印二臣風羣瞻

座藻拜賡吟七載憂勤仰

聖心紹述

前謨符日照發皇

神武儼天臨兵銷海窩邪氛靖

化洽春臺愷樂深信有欽明通

帝載協和從此愜

堯襟新韶

錫福頌如川吉語頻仍記比年邑有畬田知買賣  
庭無怖鵠是安禪

詔書屢下敷春澤露布遙傳繞獄蓮况復雪融欣

茂對萬方康樂

聖人肩

臣溫汝适恭和鈐印二臣适

彤廷喜起正聯吟捷代新譜

育物心大烈允揚

前世武鴻猷如對

昊天臨地中有水貞還吉雲上于天樂倍深秦蜀荆  
江咸敕定光承日月共開襟王師如嶽又  
如川湔洗妖氛共幾年羣孽掃平方朗曜衆  
魔蕩盡恰安禪劫消已去亂苗莠檣美纔知  
沃土蓮三孽總除

文德溥熙熙皞皞快摩肩

臣戴殿泗恭和


鈐印二

臣泗

臣黃鉞奉

勅敬書鈐印二臣黃鉞

鑒藏寶璽五璽  
金三編



黃鉞畫春景 四冊

本幅紙本摺裝四冊，每冊四幅，皆縱四寸六分，橫一尺一寸四分。設色畫各有楷書標題。  
第一春臺同樂冊、一春牛鞭吉、二春社迎祥、  
三春雨新耕、四春郊試馬。第二春景延禧冊、  
一春疇麥潤、二春陌桑柔、三春岫雲晴、四春  
江月夜。第三春林茲秀冊、一春梅殘雪、二春  
筍新泥、三春徑猗蘭、四春階翻蘿。第四春侶

鳴和冊一春鷹時化二春雁隨陽三春暖雞  
雛四春晴鵲喜各冊末幅款臣黃鉞恭繪鈐  
印二臣鉞

御筆分題楷書

迎春京尹舊章修絲仗笙歌出土牛律應勾芒  
生品彙農民舉趾服田疇初春瑞雪迓新禧  
畎畝耕犁已及時擊鼓吹豳祈歲稔紛攜罇俎  
賽叢祠雪融脈土洽千畦霑沐仲春雨一犁

宿潤含膏利耕作依依楊柳綠初齊柔莎似  
毯鋪平坂磬控郊原試駿驅並轡齊驅沿柳墅  
宛如南苑夕陽斜

以上一冊

青崖滴翠接平疇潤透新金麥似油溪繞柳汀  
景明媚村祠掩映板橋頭莎堤曲折碧川長  
暖陌風和帶遠岡蠶事初臨將上箔招邀婦女  
共求桑雨足芳春和氣凝晴烘雲海疊千層  
岡巒隱現形無定獨坐危崖畫裏憑雲輕宵

宇懸明鏡烟斂春山澈遠江波靜林疎光遍滿

小村斜轉泊千艘

以上二冊

雪蓋梅英平等觀梅方燥錦雪將殘紅紅白白  
春光好幾點冰心冷艷攢春潤膏融透野原  
欣看綠竹又生孫無須充作盤餐用留待千霄  
勁節存君子清操王者香一華一幹永揚芳  
天桃穠李皆凡品九畹幽蘭雅興長春舒百  
卉色香諧紅藥敷妍翻午階映日臨風爭艷麗

窗前綽約態尤佳

以上三冊

一卷文石纏松枝獨立蒼鷹若有思氣感春仁溥咸若先機已兆化鳩時叶律壯征應始青隨陽漸陸綠蒲汀為儀集繪宜春序宿食飛鳴各肖形雞乳歲寒月令符卵生暖律育新雛司晨他日警耽晏覓食坡陀啄綠蕪春雨優霑庶卉滋新晴雙鶲噪梅枝生花彩筆傳芳信日報平安十二時乙亥新正御題以上四冊分鈐寶

嘉慶御筆重三嘉慶重六契妙萬有同春重三

鑒藏寶函五寶笈三編一嘉慶御覽之寶惟幾惟

康四冊同

黃鉞畫春景 四冊

本幅紙本摺裝四冊每冊四幅皆縱四寸二分橫七寸四分設色畫各有楷書標題第一  
春盡林巒冊一春帆雨細二春寺花濃三春  
雪占豐四春風布暖款臣黃鉞恭繪鈐印二  
臣鉞

皇次子分題楷書

遠岫冥濛細雨飄烟波恰好泛輕橈綠楊陰

裏黃鸝嘯隔岸鐘聲一水迢  
招提幾樹繁花綠蔭齊杖策幽人探雅興峯  
腰紺宇望中迷新韶密雪喜紛敷南陌東  
阡粉本圖預卜麥苗多秀色山林谿壑徧沾  
濡淡蕩微風下遠天陽和布暖正春妍遊  
人過訪舟維岸搖曳青帘綠柳邊款子臣綿

寧奉

敕敬題鈐印二子臣綿寧 第二春登壽寓冊一

春酒聽鶯二春潭修禊三春村蠶市四春甸  
餬簾款印同前

皇三子分題楷書

東風暖入綠楊烟十里春郊二月天記得鶯  
聲堪洗耳雙柑斗酒儘流連風景蘭亭日  
未曛鴨頭新水綠如雲欲拈罷筆題蠶尾細  
認圖中王右軍桑畦柘市似江南忙月村  
頭正賣蠶恰過三眠初食葉頓成風雨滿筠

藍 婦子清晨買白錫綠楊時節近清明金  
錢擲罷吹簫去又聽鄰牆賣杏聲款子臣綿  
愷奉

勅敬題鈐印二子臣綿愷 第三春育飛翬冊一  
春鶯出谷二春燕睇梁三春鴛降桑四春鳩  
布穀款印同前

皇次子分題楷書

栗留春暖戲芳林覲晚時時送好音花底間

聞聲尚澀雙柑斗酒寄遐心

桃開柳綻燕

來初巧語雙雙認舊廬飛向畫梁相睇久呢

喃故欲傍窗虛風日遲遲景物妍春蠶三

起更三眠知時戴勝桑枝喚織紡勤求月令

篇布穀聲中春景深來時鴟鴞管晴陰嘉

木連畝秧初發豐稔相安父老心款印同第

一冊第四春榮瑤圃冊一春杏烘雲二春

蘋泛沚三春桃破萼四春菜挑香款印同前

皇三子分題楷書

一片紅雲雨又晴枝頭春意已盈盈尋常一樣園林景望到開田眼倍明風約青蘋箇箇圓儻魚吹影落花鮮東西南北隨游戲恰似新荷萬點錢幾樹東風見一枝芳菲渾不覺春遲此花開後三千歲正是綏山果熟時瑞雪連番歲降康年豐早卜麥登場於今更有園丁喜又見春畦菜甲香款印同第

二冊

鑒藏寶璽

五璽

寶笈三編嘉慶御覽之寶

惟幾惟

康

四冊

合

